

Headline	Penduduk cemas PPS turut tenggelam		
MediaTitle	Kosmo	Language	Malay
Date	27 Jan 2024	Readership	467,988
Circulation	155,996	Page No	14
Section	Negara	Journalist	N/A
ArticleSize	216 cm <sup>2</sup>		
PR Value	RM 16,818		



## Penduduk cemas PPS turut tenggelam

**DUNGUN** – Lebih 200 mangsa banjir yang sedang berlindung di Dewan Orang Ramai Kampung Shukor, Hulu Dungun cemas apabila pusat pemindahan sementara (PPS) turut ditenggelami banjir kelmarin.

Dalam kejadian pada pukul 2 petang itu, kesemua mangsa tergesa-gesa meninggalkan PPS berkenaan untuk menyelamatkan diri.

Ahli Dewan Undangan Negeri Bukit Besi, Ghazali Sulaiman berkata, PPS itu tenggelam selepas paras air Sungai Dungun berhampiran naik mendadak melebihi empat meter.

“Pasukan penyelamat bertindak pantas memindahkan mengeluarkan kesemua 200 mangsa menggunakan bot dan lori.

“PPS alternatif yang digazetkan sebelum ini ialah Sekolah

Kebangsaan Kampung Shukor turut ditenggelami banjir,” katanya ketika dihubungi Kosmo! di sini semalam.

Ghazali berkata, kesemua mangsa banjir terlibat tiada pilihan terpaksa menumpang sementara di rumah saudara mara yang tidak terjejas buat sementara waktu.

Tambah beliau, bencana banjir di Kampung Shukor dan sekitarnya pada masa ini agak besar sehingga menenggelamkan sebahagian rumah penduduk hingga paras bumbung.

“Perkampungan itu juga kini tiada bekalan elektrik setelah Tenaga Nasional Berhad (TNB) terpaksa memutuskaninya demi keselamatan.

“Liputan telekomunikasi juga terjejas di Kampung Shukor dan sekitar buat masa ini,” katanya.



**DEWAN** Orang Ramai Kampung Shukor, Hulu Dungun yang ditenggelami banjir semalam.